

EW NAMOPUNG

A ekkesiwini ewe Annukun Constitutional Convention, Annuk No. 3-42, me pwan ren ekkooh popun.

Epwe Pung me ren ewe Legislature-un Chuuk.

Tetten 1. Tetten 2 me non Annuk No. 3-42, ewe Annukun an Chuuk we Constitutional Convention, iei a ekkesiwin ngeni ei ititin:

"Tetten 2. Mwiichen ewe Convention. Mwiichen ewe Convention epwe suuk kunok 9:30 nesosor non January 26, 1982, iwe epwe sopweno ne mwiich non ukukun esap nangatam seni ukukun wone ranin mwiich. Ewe Convention epwe mwiich iteiten Sarinfan tori Enimu, chinon chok raninpin; NGE ewe Convention mei tongeni efisi an mwiich non weekends ika raninpin, ika fen pwan tongeni asoso non fansoun esap nangatam seni inik ran ika pwe nap seni nesopun monun ewe Convention mei tipeew ngeni non ar fout."

Tetten 2. Tetten 3 me non ewe Annukun Chuuk No. 3-42, iei a ekkesiwin ngeni ei ititin:

"Tetten 3. Monun ewe Convention. Epwe nime-me-famon monun ewe Convention, ir meinisin repwe aramasen Federated States of Micronesia pwan aramasen Chuuk, repwe kefinita non ei napanap:

(1) ew me ew ekkewe Engon-Me-Unungat Kinikinin Uttut non Chuuk ren Legislature repwe finita non ututunap ika uttut atapwanapwan epwe fis non December 30, 1981, tupun epwe fiti ewe aukukun fin mei atat non Sopun XI non noun Chuuk we Charter;

(2) meinisin samonun-pun non ew me ew ekkewe Engon-Me-Unungat Kinikinin Uttutun an Legislature repwe fini emon tupur me pusin neir;

(3) meinisin State Senators non ew me ew ekkewe Engon-Me-Unungat Kinikinin Uttut ren Legislature usun a affat non noun Chuuk we Charter repwe fini emon tupur me pusin neir. Pungun uttut fan pungun kinikinin tetten (1) epwe mutir anea ren an epwe mutir tori ewe offesin Election Commissioner seni ekkewe chon tumunu uttutun wan fonu esap mang seni 24 awa non chok ewe ranin uttut. Pungunon kefinitan delegates ren tuppun samolun-pun non Kinikinin Tetten 2, epwe mutir affat ngeni ewe offesin Election Commissioner me mwen

Tetten 3. Tetten 4 me non Annukun Chuuk No. 3-42, iei a ekkesiwin
ngeni ei ititin:

"Tetten 4. Uttut. Ekkewe monun ewe Convention repwe finita fan
pungun Kinikinin-Tetten (1) me non Tetten 3 non ei annuk repwe finita
non ei napanap:

(1) meinisin aramasen Federated States of Micronesia ir mei
tufichin uttut non an Chuuk uttut repwe tongeni uttut ren finata
monun ewe Convention. Napanapen register ren uttut non Chuuk epwe
ina napanapen register ren uttutun finata monun ewe Convention. Ren
ekewe resamo register, registration epwe much me mwen October 30,
1981;

(2) ion aramas a tori ruwe-me-nimu ierin, ika nap seni, i
aramasen Federated States of Micronesia, pwan i emon chon tufichin
uttut non Uttutun Chuuk epwe tongeni fiti uttut ren an epwe finita
pwe monun ewe Convention seni an we kinikin;

(3) itan ewe epwe asain ngeni ewe Convention epwe mak non ewe
ballot, ewe repwe nouncu non ewe uttut, ika pwe me mwen an epwe tori
kunok 4:30 nekunich non October 30, 1981, nge nancu-we taropwen assain
ngeni ewe wis a fen katonong non ewe ofesin Election Commissioner, pwan
non ena taropwen assain epwe affatetiwi meni kinikinin uttut ewe chon
assain a mochen tupuni, fiti iten ruwe-me-nimichon chon tufichin uttut
seni an we kinikinin uttut epwe nam non. Ruwe-me-nimu chana epwe
kamotiw atun katonongen ewe taropwen assain, ewe moni esap tongeni
niwin sefan ngeni mine-ka nancu. Ewe Election Commissioner epwe
ngeni ewe State Treasurer meinisin monien taropwen assain mei
katonong ren an epwe nouncu ngeni monien angangen ewe uttut;

(4) iten ekkewe chon assain me non ew kinikinin uttut epwe
chok imuno non echo ballot, epwe chok usun napanapen ballot mei
nouncu non uttut ren ekkewe wiis non muun;

(5) ewe Election Commissioner ika tupun we epwe affatatiwi non
ewe taropwen assain nupwen an a tori meni ewe raan, kunok, minich a
katonong ewe taropwen assain non."

Tetten 4. Tetten 6 me non Annukun Chuuk No. 3-42, iei a ekkesiwin ngeni ei ititin:

"Tetten 6. Pre-Convention Committee.

(1) Epwe wor ew Pre-Convention Committee non ewe Convention, chon epwe engon-me-unumon, repwe finita non ei napanap:

(a) Ekkewe monun ewe Convention seni ew me ew ekkewe engon-me-unungat kinikinin uttut non Legislature ir mei finita fan pungun Kinikinin-Tetten (1), (2) me (3) me non Tetten 3 non ei Annuk repwe fini fongoni emon tupur me pusin neir;

(b) Ekkewe delegates ra choni ewe Pre-Convention Committee epwe affat iteer ngeni ewe Kepina me mwen January 5, 1982. Ei Pre-Convention Committee epwe suuk January 15, 1982, non ewe nenien mwiich an Legislature. Kepina epwe wisen suki mwiichen ewe Pre-Convention Committee. Non ewe mwiich ekkewe delegates repwe:

i) mwiich non napanapen ew committee iwe ra finita emon naur Chairman, emon Vice-Chairman, me emon Seketeri;

ii) draft-ini naur rules of procedure ren napanapen mwokutukutun ar mwiich, ren an epwe kapunguno me ren unusen ewe Convention;

iii) aninnis non angangen ewe Convention ren an epwe monneta me fisioch nenien me pisekin mwiichen ewe Convention;

iv) pwan fori met sakkun angang me aninnis mei auchea ren an epwe fisioch nenien me pisekin mwiichen ewe Convention, ekkewe angang mei affat assan, me angangen ewe Convention."


Tetten 5. Tetten 12 me non ewe Annukun Chuuk No. 3-42, iei a ekkesiwin ngeni ei ititin:

"Tetten 12. Niwinin Me An Ekkewe Monun Convention Expenses.

(1) Monun ewe Convention esap chon angangen Muun Chuuk, Muunapen Federated States of Micronesia, me Muun Trust Territory repwe angei niwinir epwe affat me ren ewe Pre-Convention, pwan kawor monian ngeni ewe Convention."


Tetten 6. Ei Namopung epwe poputa pochokunan fansoun an a kapunguno me ren ewe Kepina, ika fansoun an a pusin winiti annuk won winikapan, inamwo ika esemwo chiwen kapunguno.

Sain seni:



Tadashi C. Wainit, Speaker
Truk Legislature

Annetata:




Datasi Albert
Legislative Clerk/Secretary
Truk Legislature

Pwinin maram:

October 14, 1981

Kapunguno seni:



Erhart Aten, Governor
Truk State Government

Pwinin maram:

October 27, 1981